

129

Khòngsò Isulael ê Tùitèk

(Peh kiā'á ê si.)

- 1 Goān Isulael kóng, chū góa sèhàn ê sí,
tùitèk tòh putsî teh khótòk góa;
- 2 chū góa sèhàn ê sí, tùitèk tòh putsî teh khótòk
góa,
chóng sī, in m̄ bat iâⁿkòe góa.
- 3 In chhinchhiūⁿ lê chhân ê lāng teh lê góa ê
khachiahphiaⁿ,
sǒ lâu ê sionghûn chhim koh tng.
- 4 Chóng sī, SiōngChú sī konggī ê;
I ū chám tng pháíⁿlāng ê khúnsoh, hō góa
chūiū.
- 5 Kiànnā oánhûn Si'óng ê lāng,
goān in tú tiòh kiànsiàu thèau!
- 6 Goān in chhinchhiūⁿ chhùténg ê chháu,
iáubōe tōa chāng tòh lian khi;
- 7 siukoah ê lāng koah bô kui pé,
khúnsoh ê lāng mā sok bô kui lám.
- 8 Liân kòelō̄ ê lāng mā bē kóng,
Goān SiōngChú sù lín hokhì!
Goán hōng SiōngChú ê miâ chiokhok lín!

129

控訴以色列 ê 對敵

(Peh 崎 á ê 詩。)

- 1 願以色列講：自我細漢 ê 時，
對敵 tòh 不時 teh 苦毒我；
- 2 自我細漢 ê 時，對敵 tòh 不時 teh 苦毒我，
總是，in m̄ bat 贏過我。
- 3 In 親像犁田 ê 人 teh 犁我 ê 尻脊餅，
所留 ê 傷痕深 koh 長。
- 4 總是，上主是公義 ê；
祂有斬斷 pháíⁿ 人 ê 網索，hō我自由。
- 5 見若怨恨錫安 ê 人，
願 in tú tiòh 見笑退後！
- 6 願 in 親像厝頂 ê 草，
iáu 未大穰 tòh lian 去；
- 7 收割 ê 人割無 kui 把，
捆束 ê 人 mā 束無 kui 攪。
- 8 連過路 ê 人 mā bē 講：
願上主賜 lín 福氣！
阮奉上主 ê 名祝福 lín！